



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

IV. Indulgentiæ personales, quibus nunc Confratres nostri Sodalitij sacri
Scapularis frui possunt, recensetur.

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

CAPUT IV.

Indulgentiæ Personales, quibus nunc Confratres nostri Sodalitij sacri Scapularis frui possunt.



UOD ad indulgentias nostrorum Confratrum, quæ inter personales connumerantur, licet aliàs magnæ, multæ, & variæ à diversis Romanis Pontificibus concessæ ijs fuerint; nihilominus PAULUS V. iustissimas ob causas animum suum moventes, volens unicuique Confraternitati certas & peculiare indulgentias impertiri, omnes indulgentias & peccatorum remissiones, tam nostræ, quam alijs quibuscunque Confraternitatibus, per quoscunque Romanos Pontifices, Prædecessores suos concessas revocavit, ac nullius roboris ac valoris amplius esse declaravit, aliasq; novas, peculiare & proprias liberalissimè concessit & indulgit.

Sciendum autem, quod Sanctitas sua de hac re quoad Marianam nostram Confraternitatem, duas condiderit Constitutiones seu Bullas: quarum primam, quæ incipit, *Celestes Ecclesie thesauros.* apud S. Marcum die 3. Junij anno 1606. promulgavit: quia verò occasione cujusdam clausulæ in ea contentæ, quæ conceditur Confratribus nostris facultas eligendi Confessarium ab Ordinario approbatum à quo possent absolvi semel in anno ab omnibus peccatis, criminibus, excessibus & delictis, etiam Sedi Apostolicæ reservatis; exceptis contentis, tum in Bulla Cœnæ, tum in quadam Constitutione CLEMENTIS VIII. sui Prædecessoris, & à reservatis ab Ordinarijs locorum, excitatæ fuerunt nonnullæ difficultates: ideo secundam edidit Bullam, cujus initium, *Cum certas.* apud S. Petrum die 30. Octobris ejusdem anni 1606. absque dicta clausula: sed cum eadem profus antiquarum indulgentiarum revocatione, & novarum concessione, & istis tantummodo nunc Confratres nostri gaudere possunt.

Verum nonnulli existimant, quod cum PAULUS V. postea omnes antiquas indulgentias Confraternitatis Rosarij, aliàs ab eo revocatas revalidaverit, etiam indulgentias antiquas nostræ Confraternitatis, via & virtute communicationis privilegiorum inter Re-

273.

Paulus V. revocavit indulgentias personales quibuscunque Confratern. concessas, & alias de novo indulgit.

gulares, præsertim Mendicantes vigentis revalidatas fuisse: quod tamen nobis non probatur; non quia de communicatione Privilegiorum inter Regulares Mendicantes dubitemus; sed quia confirmatio indulgentiarum antiquarum Confraternitatis Rosarij, non est privilegium Ordinis Prædicatorum, licet ab eo dicta Confraternitas pendeat, sed ipsius Confraternitatis; extare autem aliquod indultum Apostolicum, per quod Privilegia uni Confraternitati concessa, nostræ vel alijs communicentur hæcenus me latet. Dum enim aliqui dicunt CLEMENTEM VII. in Bulla: *Ex clementi Sedis Apostolicæ*, de qua *infra*, concessisse Confratribus nostris indulgentias & gratias alijs Confraternitatibus concessas, vel concedendas, non comprobant dictam concessionem non fuisse factam Confratribus nostris, sed Fratribus & Sororibus nostri Ordinis. Idem dicendum de alia concessionem facta à CLEMENTE VIII. nostris Discalceatis &c.

238.

ACCEDAMUS nunc ad recensendas omnes illas indulgentias, quas his temporibus nostri Confratres extra omnem dubitacionem consequi possunt: tractabimusque solum de concessis à PAULO V. tum in dicta Bulla, *Cum certis &c.* tum in duabus alijs posteribus; istæ enim tam multæ sunt & magnæ, ut illis nostri Confratres acquiescere, & plenè contenti esse possint; non erit autem abs re, si hæc tres Bullas verbatim hic subjungere.

Tenor Bullæ primæ PAULI V.

PAULUS Quintus ad perpetuam rei memoriam.

Cum certas unicuique Confraternitati Indulgentias & gratias spirituales, quibus de cetero fruuntur, duxerimus præscribendas, idcirco nos omnes & singulas indulgentias, & peccatorum remissiones ac penitentiarum relaxationes Confraternitati B. MARIÆ de monte CARMELO in quibuscumque civitatibus & locis canonicè institutæ, & illius Confratribus & Confratribus hæcenus per quosdam Romanos Pontifices Prædecessores nostros concessas revocantes, & nullas revocari & momenti esse declarantes, de Omnipotentis DEI misericordia, ac beatorum PETRI & PAULI Apostolorum ejus autoritate confisi, omnibus sexus Christi Fidelibus, qui dictam Confraternitatem ubi vis locorum, tam deinceps, ut præfertur, canonicè institutam, quam deinceps, ut *infra*, institutam de cetero ingredientur & habitum receperint, die primo eorum ingressus, verè penitentes & confessi sanctiss. Eucharistiæ Sacramentum sumpserint, & communicaverint.

Indulgentiæ plenariæ à Paulo V. Confrat. Mariani Scapular. concessæ.

Ac tam ipsis pro tempore describendis, quam jam descriptis in dicta Confraternitate Confratribus, & Confororibus, etiam verè pœnitentibus & confessis, qui in festo principali Commemorationis ejusdem beatiss. Virginis MARIÆ die 16. mensis Julij, aut juxta ritum nonnullorum locorum, die Dominica immediate sequenti celebrari solito, sanctiss. Eucharistia Sacramentum sumpserint: ac pro Christianorum Principum concordia, heresum extirpatione & S. Matris Ecclesie exaltatione pias ad DEVM preces effuderint, etiam plenariam.

In mortis quoque articulo eisdem cujuscunque sexus Confratribus, qui pœnitentes & confessi, ac sacratissima Communionem refecti, nomen IESV ore, si potuerint, sin autem corde devotè invocaverint, plenariam similiter omnium peccatorum suorum indulgentiam & remissionem misericorditer in Domino concedimus: nec non ipsis Confratribus & Confororibus, qui similiter pœnitentes & confessi, ac sacra Communionem refecti Processioni, in una Dominica cujuslibet mensis per dictam Confraternitatem de Ordinarij loci licentia faciendam, devotè intersuerint, & ibi, ut presertur, oraverint, septem annos & totidem quadragenas. Ipsi verò, qui ab esu carniùm ijs diebus, quibus Confratres dictæ Confraternitatis, ex illius instituto, vesci non solent, abstinebunt, ter centum dies.

Qui autem quolibet die septies orationem Dominicam, & toties Salutationem Angelicam ad honorem septem gaudiorum ejusdem B. MARIÆ Virginis recitaverint, quadraginta dies; nec non etiam, qui cum habitu ejusdem Confraternitatis pœnitentes & confessi semel in mense sanctiss. Eucharistie Sacramentum sumpserint, & ut presertur, oraverint, quinq; annos & totidem quadragenas. Ijs verò Confratribus & Confororibus, qui pœnitentes & confessi in qualibet ex solemnitatibus aut festivitibus ejusdem B. MARIÆ Virginis dictum SS. Eucharistia Sacramentum, in Ecclesia, vel Capella dictæ Confraternitatis sumpserint, & ut supra dictum est, oraverint, tres annos & totidem quadragenas; Qui autem cum lumine dictum SS. Eucharistia Sacramentum, quando ad infirmos defertur, comitati fuerint, & pro iisdem infirmis pias ad DEVM preces effuderint, quinq; annos, & totidem quadragenas.

Qui verò corpora defunctorum, tam Confratrum & Confororum, quam aliorum ad sepulchrum associaverint, & pro eorum animabus DEVM oraverint centum dies. Quoties verò predicti Confratres, & Conforores Officium B. MARIÆ Virginis devotè recitaverint centum dies. Qui verò missas & alijs divinis Officijs in Ecclesia vel Capella, aut Oratorio dictæ Confraternitatis pro tempore celebrandis, & recitandis, seu Congregationibus publicis, vel privatis ejusdem Confraternitatis ubivis faciendis intersuerint, aut pauperes hospitio receperint,

Vn

Indulgentia non plenaria.

perint, aut eis in eorum necessitatibus, vel in periculo peccandi existentibus auxiliati fuerint, aut elemosynas temporales, vel spirituales eis dederint, vel pacem cum inimicis proprijs vel alienis composuerint, seu componi fecerint, vel procuraverint, aut devium aliquem ad viam salutis reduxerint, & ignorant DEI praecepta, & ea, quae ad salutem sunt docuerint, aut quodcumq; aliquid pietatis, vel charitatis opus exercuerint, toties pro quolibet praedictorum praesentium operum, centum dies de infunctis eis, seu alias quomolibet debiti penitentiae in forma Ecclesiae consueta relaxamus.

Confertur
R. P. Generali Carmelit. potestas ubi vis locorum confratern. sacri Scapularis erigendi, & ei supra dictas indulgentias communicandi.

Ac dilecto Filio nunc, & pro tempore existenti, Priore Generali dicti Ordinis Carmelitarum, vel illo absente ejus Vicario Generali, ut hujusmodi Confraternitatem B. MARIAE de monte CARMELO, ubi locorum extra Vitis erigere & instituere, illisq; omnes supra dictas indulgentias, & gratias spirituales (servata tamen forma praescripta in Constitutione sel. record. CLEMENTIS Praedecessoris nostri super praedictarum Confraternitatum aggregationibus, & institutionibus edita) communicare similiter libere & licite possit, & valeat, auctoritate Apostolica, tenore praesentium facultatem concedimus & impartimus. Non obstantibus Constitutionibus & Ordinationibus Apostolicis, ceterisque canonibus quibuscumq;, praesentibus perpetuis futuris temporibus duraturis. Datum Romae apud S. Petrum sub annulo Piscatoris die 30. Octobris 1606. Pontificatus nostri anno secundo.

Tenor Bullae secundae PAULI V.

PAULUS Quintus ad perpetuam rei memoriam.

239.

PIORVM hominum Confraternitates, praesertim DEIPARAE Virginis MARIAE nomine ac Patrocinio conspicuas, spiritualium gratiarum immensum libenter insignimus, ut gratis hujusmodi Christi Fideles indies magis ad eiusdem Virginis cultum & venerationem invitentur. Proinde volentes Confraternitates canonice institutas sub invocatione ejusdem B. MARIAE Virginis de monte CARMELO in quacunq; mundi parte existentes, ac dilectos filios, illarum Confratres & Consores, qui sicut accepimus, in una ex Dominicis mensis capitulatione pro cujuslibet loci instituto, Christi Fidelium frequentia celebrem, ac solentem processionem in eorum Ecclesijs, Capellis vel Oratorijs ad Virginis ejusdem commemorationem pie peragere solent, speciali aliquo munere decorare, omnibus & Confratribus & Consores dictarum Confraternitatum vere penitentibus & confessis, ac sacra Communionem refectis, qui praedictae processioni in una Dominicis cujuslibet mensis, in qualibet ex praedictis Ecclesijs, Capellis vel

Concedit indulgentiam plenariam

ratorijs peragenda interfuerint, & ibi pro Christianorum Principum concordia, heresum extirpatione, ac S. Matris Ecclesie exaltatione pias ad DEVM preces effuderint, qualibet vice id peregerint, plenariam omnium peccatorum suorum indulgentiam & remissionem misericorditer in Domino concedimus. Presentibus perpetuis futuris temporibus duraturis. Volumus autem, quod si alias diebus Confratribus & Confororibus dicta processioni interessentibus aliquas alias indulgentias perpetuo, vel ad tempus nondum elapsum duraturas concesserimus, illæ nulla sint. Ceterum quia difficile foret, presentes Literas ad singula quæq; loca deferri, volumus, quod eorundem Transumptis etiam impressis, manu Notarij publici, vel Secretarij Ordinis Carmelitarum subscriptis, & sigillo ejusdem Ordinis, seu alicujus persona in dignitate Ecclesiastica constitutæ munitis, eadem prorsus fides ubiq; gentium adhibeatur, quæ presentibus adhiberetur, si forent exhibitæ, vel ostense. Datum Rome apud S. Marcum sub annulo Piscatoris die 31. Augusti 1609. Pontificatus nostri anno quinto &c. Scipio Cobellutius.

Confratr. qui processioni mensuræ interfuerint, & præscripta observaverint.

Quoniam autem Sanctissimus in ista secunda Bulla expressè loquitur de Confraternitatibus institutis, & ideò quis poterat dubitare, aut asserere eam esse intelligendam, de Confraternitatibus tantum ante & non post eam institutis: ideò ad tollendam omnem ambiguitatem obtenta fuit alia Bulla pro Confraternitatibus etiam institutendis: quæ est tenoris sequentis.

Tenor Bullæ tertie PAULI V.

PAULUS Quintus ad perpetuam rei memoriam.

ALIAS volentes nos Confraternitates canonicè institutas sub invocatione B. MARIE Virginis de monte CARMELO, in quacunq; mundi parte existentes, ac dilectos filios illarum Confratres & Conforores, qui sicut tunc accepimus, in una ex Dominicis cujuslibet mensis, pro cujuslibet loci instituto Christi Fidelium frequentia celebrem, ac solemnem processionem in eorum Ecclesijs, Capellis vel Oratorijs ad Virginis ejusdem commemorationem pie peragere solebant, speciali aliquo munere decorare: omnibus Confratribus & Confororibus dictarum Confraternitatum verè penitentibus & confessis, ac sacra Communione refectis, qui prædictæ processioni una ex Dominicis cujuslibet mensis, in qualibet ex prædictis Ecclesijs, Capellis seu Oratorijs peragenda interfuissent, & ibi pro Christianorum Principum concordia, heresum extirpatione, ac S. Matris Ecclesie exaltatione pias ad DEVM preces effudissent, qualibet vice id peregerint plenariam omnium suorum peccatorum indulgentiam, & remissionem in Domino misericorditer concessimus,

240.

cessimus. Volumus tamen, quod si aliàs dictis Confratribus & Consoresibus dicta processioni interessentibus aliquas alias indulgentias perpetuò vel ad tempus nondum elapsum duraturas concessissemus, illæ nullæ essent, & aliàs prout in nobis in simili forma Brevis sub die 3. Augusti 1609. desuper expeditis literis, quatenus tenores presentibus pro expressis haberi volumus, plenius continetur. Nunc autem Confraternitates sub invocatione ejusdem B. MARIÆ Virginis de monte CARMELO, in quacunq; mundi parte, de cætero canonicè, ut præfertur, extendas, spiritualium similiter gratiarum muneribus insignire volentes, quo exornati Christi Fideles indies magis ad ejusdem sanctiss. Virginis cultum & venerationem per amplius invitentur, supplicationibus etiam dilecti Filij Theodori Sanctij Fratrum Ordinis Carmelitarum Procuratoris Generalis, nobis humiliter presentibus, inclinati, indulgentiæ concessionem, & literas prædictas ad Confraternitates hujusmodi in posterum perpetuis futuris temporibus (ut præfertur) extendas auctoritate prædicta extendimus, non obstante Regula nostra de concessione indulgentiæ ad instar, ceterisq; contrarijs quibuscunq;. Volumus autem, quatenus eorundem presentium Transumptis, etiam impressis, manu Notarij publici, Secretarij Ordinis Carmelitarum hujusmodi subscriptis, & sigillo ejusdem Ordinis, seu alicujus persone in dignitate Ecclesiastica constitutæ munitis, eadem presentibus fides ubiq; gentium adhibeatur, quæ presentibus adhiberetur, si forent exhibita, vel ostensa. Datum Romæ apud S. MARIAM Majorem sub annulo Episcopatoris, die 19. Julij 1614. Pontificatus nostri anno decimo, &c. Scipio Cobellutius.

CAPUT V.

Compendium Indulgentiarum à PAVLO V. per superiores Bullas Confraternitati Marianæ Scapularis concessarum.

241.

I.



ANCTITAS sua concessit omnibus utriusque sexus Christi Fidelibus, qui Confraternitatem sacri SCAPULARIS ubivis locorum, tam hætenus canonice institutam, quàm deinceps instituendam de extra ingrediuntur, & habitum acceperint, die primo eorum ingressus verè pœnitentes & confessi, sanctiss. Eucharistiæ Sacramentum sumperint indulgentiam plenariam.

2. Descrip